



KEMENTERIAN PENDIDIKAN TINGGI

## KENYATAAN MEDIA

### KPT BERI KEMUDAHAN SESI PENGAJARAN DAN PEMBELAJARAN SECARA DALAM TALIAN SEMPENA PERAYAAN DEEPAVALI

---

Bersempena dengan sambutan perayaan Deepavali pada 31 Oktober 2024, Kementerian Pendidikan Tinggi (KPT) akan memberikan kemudahan sesi Pengajaran dan Pembelajaran (PdP) secara dalam talian/ hibrid khusus kepada **pelajar serta pengajar beragama Hindu di seluruh Institusi Pendidikan Tinggi Awam (Universiti Awam, Politeknik, Kolej Komuniti)** bagi meraikan sambutan pesta cahaya itu.

Melalui perbincangan KPT bersama jabatan terlibat, kemudahan sesi **PdP ini akan bermula mulai 28 hingga 30 Oktober 2024 (Isnin hingga Rabu) dan juga pada 1 November 2024 (Jumaat).**

Pelaksanaan ini adalah bertujuan untuk memudahkan urusan pelajar dan pengajar beragama Hindu untuk meraikan sambutan Deepavali bersama keluarga masing-masing.

Di kesempatan ini, kementerian juga ingin mengucapkan selamat menyambut Hari Deepavali kepada semua pelajar, pengajar, warga KPT dan seluruh rakyat Malaysia yang beragama Hindu.

“Deepavali Nal Valthukal.”

**KEMENTERIAN PENDIDIKAN TINGGI**  
**26 Oktober 2024**